

# Powšitkowne WOZJEWJENJA

njedźelu, 2. decembra 2018

## Swjedžen Marije bjezhrěšneho podjeća w Róžeńće

Na wysokim swjedženju Marije bjezhrěšneho podjeća sobotu, 8. decembra, njebudže Boža mša w hnadownej cyrkwi w Róžeńće kaž hewak rano we wosmich, ale swjedženja dla w 9.00 hodź. Přizamknje so modlenje před Najswjećišim – wot 10.30 hodź. do 11.00 hodź. za młode swójby z džěćimi a wot 11.00 hodź. do 12.00 hodź. za wšitkich. W 12.00 hodź. je zakónčacy nyšpor z eucharistiskim požohnowanjom. Wšitcy su wutrobnje přeprošeni.

## Zetkanje samostejacych w Smochćicach

Samostejacy ze serbskich wosadow su na swoje přichodne zetkanje srjedu, 12. decembra, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 5. decembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež druzy su witani.

## Kulturna zyma w putniskej hospodže

W Chróšćanskej putniskej hospodže wotměje so w přichodnych měsacach zaso tak mjenowana Kulturna zyma. Link na wšitke zarjadowanja je na internetowej stronje [www.posol.de](http://www.posol.de) podaty.

## Duchowna hudźba k přenjemu adwentej

W Budyskej cyrkwi Našeje lubeje knjenje zaklinči tutu njedźelu, 2. decembra, we 18.00 hodź. duchowna hudźba z akordeonom. Pod heslom „Puće do adwenta“ zahrajetaj wuměłcaj skupiny Akordeon Virtuosi na přikład twórby A. Vivaldija, J.S. Bacha, W. Solotariova a A. Piazzolle. Zastup je darmotny.

## Spěwny wječor za dobry skutk

Jasčan Florian Rynč a muski kwartet PoŠtyrjoch přeprošujetaj na dohodowny beneficny koncert do Rynčec bróžnje w Jaseńcy, čisło 8, kotryž zahaji so sobotu, 8. decembra, w 19.45 hodź. Wopytowarjow wočakuje wotměnjawy program. Na nim njezaklinča jeničce znate adwentne, lóštne a zabawne spěwy skupiny PoŠtyrjoch, ale tež dujerska hudźba skupiny Tuten und Blasen. Wunošk ze zběrki, z předawanja napojow a přikusow přewostaja biskopej Clemensej Picklej w Ruskej. Tam chcedža chudym swójbam kruwu darić. Wšitcy zajimcy su wutrobnje přeprošeni. Koncertej přizamknjetej so spěwny wječor a zabawa.

## Paslenje hodownych darikow

Dekanatne dušepastyrstwo přeprošuje šulerki a šulerjow 6. do 8. lětnika na paslenje hodownych darikow, kotrež budže sobotu, 15. decembra, wot 9 do 14 hodź. w Don Boskowym domje we Worklecach. Zajimcy njech so prošu hač do wotory, 11. decembra, pod telefonowym čisłom (03 57 96) 88 707 abo pod [worklecy-kise@gmx.de](mailto:worklecy-kise@gmx.de) přizjewja. Za wudawki zběra so na wobdžělnika přinošk we wysokosći džesać eurow.

## **Putnikowanja z busom a lětađłom**

Tež klětu přeprošuju zaso zajimcow na putniske jězby. Přnja powjedže wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra. do wutory, 15. oktobra, do Lourdesa, Fatimy, Santiaga de Compostele a do Avile. Z lětađłom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2. *Maćij Hadank*

## **Pytaja wotnajerja za „Klósťersku stwičku“**

Dotalny wotnajer „Klósťerskeje stwički“ w Pančicach-Kukowje skónči kónc lěta swoje zřćenje. Tohodla pyta klósťer Marijina hwězda noweho, kiž by ju wot 1. januara dale wjedł.